

**27. fundur Velferðar- og mannréttindaráðs, haldinn í fundarherbergi 3. hæð,
Stillholti 16-18,
18. nóvember 2015 og hófst hann kl. 16:00**

Fundinn sátu:

Vilborg Þ. Guðbjartsdóttir formaður, Einar Brandsson varaformaður, Ingibjörg Pálmadóttir aðalmaður, Gunnhildur Björnsdóttir áheyrnarfulltrúi, Jón Hrói Finnsson sviðsstjóri velferðar- og mannréttindasviðs og Sveinborg Kristjánsdóttir félagsmálastjóri.

Fundargerð ritaði: Jón Hrói Finnsson, sviðsstjóri velferðar- og mannréttindasviðs.

Fyrir tekið:

1. 1510203 - Uppsögn á starfi

Bylgja Mist Gunnarsdóttir, forstöðuþroskaþjálfari, sem sagt hefur starfi sínu lausu, mætti á fund ráðsins og fór yfir ástæður uppsagnar sinnar.

2. 1509083 - Heimaþjónusta, innlit kvöld og helgar

Lögð fram tillaga verkefnisstjóra heimaþjónustu Akraneskaupstaðar og deildarstjóra heimahjúkrunar HVE að fyrirkomulagi og viðmiðum fyrir innlitsþjónustu í heimaþjónustu.

Velferðar- og mannréttindaráð felur sviðsstjóra að gera tillögu að breyttum reglum um heimaþjónustu með hliðsjón af tillögunum.

3. 1502159 - Greiðslur til stuðningsfjölskyldna

Umræður um greiðslur til stuðningsfjölskyldna fatlaðra barna á þjónustusvæði Akraneskaupstaðar. Framhald umræðu frá 8. apríl 2015.

Velferðar- og mannréttindaráð samþykkir fyrir sitt leyti að greiðslur til stuðningsfjölskyldna verði samræmdar greiðslum annarra félagsþjónustusvæða á þjónustusvæði Vesturlands, sbr. bókun ráðsins frá 18. febrúar 2015. Ráðið beinir því til bæjarráðs að gert verði ráð fyrir hækkuninni í fjárhagsáætlun ársins 2016. Ráðið mælist einnig til að greiðslur vegna stuðningsfjölskyldna verði samræmdar milli málaflokks fatlaðra og barnaverndar. Áætlaður kostnaðarauki vegna hækkunarinnar er 1,1 m.kr.

4. 1511085 - Styrkir til valdeflingar fatlaðs fólks árið 2016

Þjónusturáði í málefnum fatlaðra hefur borist tilkynning frá Velferðarráðnueyti um að hægt sé að sækja um styrk vegna kostnaðar við að koma á fót notendaráði í málaflokki.

Lögð fram drög að verkefnislýsingu og umsókn um styrk.

Velferðar- og mannréttindaráð tekur jákvætt í tillögur að verkefnislýsingu og felur sviðsstjóra og starfsmönnum að vinna vinna áfram að umsókn og undirbúningi verkefnisins.



5. **1510180 - Trúnaðarmál**

6. **1509212 - Forsendur fjárhagsáætlunar Velferðar- og mannréttindasviðs 2016**

Lögð fram drög að fjárhagsáætlun sem vísað hefur verið til 2. umræðu í bæjarstjórn. Rætt um forsendur áætlunarinnar og þætti sem haft geta áhrif á hana.

7. **1510144 - Stígamót - styrkbeiðni**

Í bréfi frá 7. október 2015 óskar Guðrún Jónsdóttir, talskona Stígamóta eftir stuðningi Akraneskaupstaðar við rekstur samtakanna. Óskað er umsagnar velferðar- og mannréttindaráðs um umsóknina.

Velferðar- og mannréttindaráð mælir með því að gert verði ráð fyrir styrk til Stígamóta í fjárhagsáætlun ársins 2016 og vísar erindinu til bæjarráðs.

8. **1511079 - Tillaga um breytingu á reglum á fjárhagsaðstoð.**

Lögð fram tillaga félagsmálastjóra og sviðsstjóra um að hámarksfjárhæð láns vegna ábyrgðar í tengslum við gerð húsaleigusamninga verði hækkuð í 420 þ.kr. þar sem húseleiga hefur hækkað umtalsvert frá því að núverandi hámark var ákveðið. Kostnaður er talinn óverulegur þar sem sjaldnast er um bein fjárútlát að ræða.

Velferðar- og mannréttindaráð samþykkir tillöguna fyrir sitt leyti og vísar henni til bæjarráðs.

9. **1511223 - Málefni málskotsnefndar**

Lögð fram tillaga sviðsstjóra velferðar- og mannréttindasviðs um að málskotsnefnd í félagsmálum verði lögð niður og hlutverk hennar falið Velferðar- og mannréttindaráði.

Velferðar- og mannréttindaráð samþykkir tillöguna og vísar henni til bæjarráðs. Ráðið þakkar fulltrúum í málsskotsnefndinni vel unnin störf.

10. **1511213 - Trúnaðarmál**

11. **1511231 - Trúnaðarmál**

12. **1511236 - Trúnaðarmál**

Fleira ekki gert, fundi slitið kl. 19:15.

Vilhjalmur P. Guðmártsson
Eiga Bræðra
Þunnhildur
Fuglas Pólmal

þu
Sveinborg Kirtbjörnsd.